

RC567
838D

D E

V I A T Q U E U S U

NICOTIANAE TABACI.



YALE
MEDICAL LIBRARY



HISTORICAL
LIBRARY

TRANSFERRED FROM
YALE UNIVERSITY LIBRARY

DE
VI ATQUE USU
NICOTIANAE TABACI.



DISSERTATIO
INAUGURALIS MEDICA
QUAM
AUCTORITATE
GRATIOSI
MEDICORUM ORDINIS HALENSIS
UT
SUMMOS HONORES
IN MEDICINA ET CHIRURGIA
RITE ADIPISCATUR
DIE VI. SEPTEMBRIS MDCCCXXXVIII.
UNA CUM THESIBUS
PUBLICÉ DEFENDET

AUTOR
CAROL. BERNHARD. DRAEGER
STEINBACHIENSIS

OPPONENTIBUS
JAC. KLINGEBIEL, MED. CAND.
HERM. RATH, MED. DD.

HALAE

TYPIS CAROLI GRUNERT.

RC 567

V I R O
AMPLISSIMO ERUDITISSIMO
INTEGERRIMO
PETRO KRUKENBERG

MEDICINAE ATQUE CHIRURGIAE DOCTORI,
MEDICINAE PROFESSORI PUBLICO ORDINARIO, INSTITUTI
CLINICI MEDICI HALENSIS DIRECTORI, REGI BORUSSIAE
A CONSILIIS MEDICIS INTIMIS
ETC. ETC.

PRAECEPTORI
DILECTISSIMO MAXIME VENERANDO

◎ 楊曉波

我以為，我們的社會已經到了一個極端，就是：我們已經到了一個極端。

我們已經到了一個極端，就是：我們已經到了一個極端。

我們已經到了一個極端，就是：我們已經到了一個極端。

我們已經到了一個極端，就是：我們已經到了一個極端。

我們已經到了一個極端，就是：我們已經到了一個極端。

我們已經到了一個極端，就是：我們已經到了一個極端。

V I R O

HUMANISSIMO DOCTISSIMO

ADMODUM REVERENDO

DOMINO

FRANC. HUEHNERMUND

BAROCHO STEINBACIENSI, PATRINO DILECTISSIMO

NEC NON

V I R O

ORNATISSIMO HUMANISSIMO

ADAMO FREUNDLIEB

SECRETARIO REGIO WORBIENSI

AFFINI

AMICISSIMO DILECTISSIMO

D. A. I.

OTTO EPIPHANII DILECTISSIMI

OLIMINARIA REGULAT.

O. 11000

SCENICAS ET HISTORICAS TRAGEDIAS

S T U D I O R U M P R I M I T I A S

PIO GRATOQUE ANIMO

1. 10000

D. D. D.

SCENICAS ET HISTORICAS

TRAGEDIAS ET COMEDIAS DE VARIOS AUTORES

CONSIDERACIONES SOBRE LA HISTORIA

DE LOS ESTADOS UNIDOS

DE LOS ESTADOS UNIDOS

DE LOS ESTADOS UNIDOS

AUCTOR.

Herbae nicotianae quotannis multa per omnes terras vis luxuria quadam consumitur, sed perperam multi multos inde deducunt morbos, immo nisi immoderate nicotiana utaris damnosa habenda non est. Qua de re nonnulla imperia, quae tabacum importari vetuerunt, omnino recte non fecere, neque, quae in universum tabaci usum prohibuere, neque Iacobus rex, qui Philippicam quandam contra hanc herbam scripsit, aut Amarius IV., qui fumum sugere crimen capitale haberijussit, aut papae, qui eos excommunicaverunt, qui nicotiana uti consueverant; adeo in Russia olim, qui fumum sugebant, nasum perdendi periculum adiebant, atque in pago Bernensi fumum sugere secundum habebatur post stuprum crimen. Neque tamen inficias ire debemus tabacum immoderate usurpatum pro veneno vehementissimo habendum esse atque omnes eius partes quacunque forma et qualibet ratione adhibitas venenorum in modum agere, quamquam ipsa forma atque adhibendi ratione effectus immutatur, fumus enim minus valet, quam infusum, externo lentius usus internus, et ille minus damnum affert, quam si per clysmā tabacum in corpus iniicias.

CAPUT I.

Quomodo organismus noster tabaco afficiatur.

§. 1.

Foliorum nicotianæ vapores, si diutius atque e magna tabaci copia orti hominem petunt, facilime vertiginem, maiorem aut minorem stuporem, veternumque efficiunt.

Faurcroy etiam narrat, puellam, quae in conclavi dormiebat, ubi multam nicotianam raserant, exortis inde vaporibus, intereramt esse.

§. 2.

In iis, qui sugendo fumum nondum assuevere, aut qui iusto plus et diutius sugunt tabacum, facile nausea, vertigo, inclinatio ad vomitum et diarrhoeam, deinde vomitus ipse et diarrhoea, aucta urinae secretio, coëundi cupido, denique lassitudo quaedam et syncope efficiunt, quam profundus sequitur somnus.

Dr. Marshal Hall adolescentem narrat, qui primum duas pipas suxisset, statim nausea, vomitu, syncope, deinde anhelitu stertente, spasmis universalibus atque pupillae immobilitate affectum esse; postridie etiam inclinatio ad syncopen nondum desierat et cum vesperasceret stupor et stertens respiratio redierunt;

attamen ab hoc inde tempore sensim sensimque revaluit. *)

Gmelinus mortem adeo immoderate sugendo sumum effectam esse memoriae prodidit duorum hominum, quorum unus XVII alter XVIII continenter pipas suxerat. **)

Quamquam qui intemperanter fumum sugunt, per raro tantum mortis adeunt periculum, tamen saepe inde oritur plethora abdominalis et qui hac consuetudine obligati sunt, si vespertino tempore multum suxerunt, pauclo ante, quam somnum capiunt, aliquoties pertimescere solent, atque cordis motus iis desinere videtur, sese que putant suffocari, quam rem primum cordis palpitatione, deinde tandem somnus sequitur. Vehementius etiam ita ii afficiuntur, qui fumum sugentes theae viridis infusum bibunt, nam haec eandem fere, quam tabacum possidet vim; utraque enim herba cordis nervorum facultatem deprimit.

§. 3.

Qui pulvere tabaci sternutatorio intemperanter utuntur, ii iisdem fere quam qui sugunt fumum dannis obnoxii esse possunt. Namque huius pulveris usus nervi olfactorii facile redduntur insensibiles, nares inflammantur, ulcera in iis peiora excitantur, et qui hoc pulvere uti non solent, iis vehementior inde effecta sternutatio damnum etiam afferre potest. Lanzoni enim narrat, hominem quandam, pulvere sternutato-

*) Edinb. Med. and surg. journ. XII. II.

**) Gmelin Toxicologie, 550.

rio intemperantius naribus immisso, in veternum incidisse et post duodecim dies lethargosum esse mortuum. *)

Adeo Cheyne persuasum habet apoplexiā in iis habendam esse morbis, qui e nicotianae usu proficiuntur, sed haec sententia eorum, qui et fumum sugunt et pulvere sternutatorio utuntur, refutari videtur valetudine. **)

§. 4.

In applicatione foliorum nicotianae ad cutem externam summa opus est prudentia, maiorique etiam, ubi laesa et corrosa; nam tum faciliime nauseam, vertiginem, vomitum atque universalis defatigationis sensum ciet, et cum diutius in tales corporis partes nicotiana applicatur, universalis membrorum tremor levesque efficiuntur convulsiones; pulsus fit frequens et debilis, breve difficile respiratione postremo consequitur mors. Murray narrat, tres infantes postquam in vomitum, vertiginem, et multum sudorem inciderint, praeterlapsis XXIV horis, mortuos esse, quia mater ad tineam capitis ex qua liberi liberarint linimento tabaci usa esset.

Watterhal similem memoriae rem prodidit. Puer enim tribus horis obiit, postquam in tineam, qua laborabat, succum tabaci infuderant.

Experimenta in animalibus instituta simillimos ostendunt effectus.

I. Columbae enim postquam in femoris interiori latere ita feci cisionem, ut neque musculi ullius fibra laederetur neque animal sanguinem pederet, ad telam cel-

*) Ephem. cur. nat. Dec. II. Ann. X. p. 222.

**) On apoplexy and lethargy, p. 550.

lulosam unum fere scrupulum pulveris foliorum nicotianae pharmacopoeae borussicae, paululum aqua made-factorum, applicavi; quo factò exspectavi, quid inde fieret. Statim luculenta apparuerunt symptomata, veneno organismum affectum esse. Columba enim anxiam accepit speciem, respirabat alte, post dimidiā minutam paralysi, utroque pede infracto, corruerat, perquam anxie atque alas valde agitando studebat avolare, aliquoties late aperiebat rostrum, tamquam ad vomitum, nec tamen vomuit, neque urinā aut faeces electae sunt. Simul vero alia totius corporis convulsio aliam sequebatur; caput erat retractum, oculi late aperti, pupilla magna et paene immobilis, rostrum continenter pauxillum aperiebat, lente et auxie respirabat, pulsus cordis erat frequentissimus. Postremo inquietudo desinebat, alas non amplius columba agitabat, atque respiratione facta lentissima et profundissima, animal praeterlapsis post applicationem tabaci in vulnus quinque minutis levi convulsione obiit. Sectione facta nihil ullius momenti animadversum est.

II. Simile porro experimentum feci in gallo gallinaceo. Huius in femoris interiori latere item facta cisione, in vulnus scrupulum unum foliorum nicotianae pulverisatorum intuli. Nunc quoque manifesta animadversa sunt symptomata gallum veneno esse imbutum. Statim enim animal lassum extitit et defatigatum, demisso capite lente alteque respiravit, paralysis secuta est extremitatum inferiorum, serius tamen, quam in priori experimento, pes sinister non laesus paralysi prior infirmatus est. (Omnino cum experimenta in avibus insti-tuerem, priorem sinistri pedis paralysin animadverti.)

Animal iacebat perpetuo in latere, vomitatio et faeces separandi studium non apparuerunt. Pulsus cordis frequentissimus, caput valde ad tergum fuit retractum, pupilla vehementer angusta, iris celeriter mota est. Animal magis magisque defatigari visum neque mortem non continuo securam exspectavi, nihil secius post unam fere et dimidiam horam gallus recreatus cibum capiendo cupidinem prae se tulit, et ex aperto vulnere nicotiana remota, omnino vires recuperavit.

III. Caniculi in femoris vulnus eadem ac antea ratione drachma una pulveris foliorum nicotianae illata, superiora symptomata non animadversa sunt, nisi quod animal anxium et incitatum visum est, postero tamen mane mortuum erat.

§. 5.

Interne adhibita pro dosis et formae diversitate variis nicotiana ciet effectus; vehementissime, ut alia quoque multa huius familiae remedia, in intestinum retum applicitum valet.

Per minores sumpta doses primum auget secretionem in membrana canalis intestinalis mucosa, efficaciam vasorum resorbentium, ideoque secretionem urinae. Proximus praesertim, cum per infusum nicotiana adhibetur, effectus semper pungens quidam et praeteriens caloris in gula sensus, quem saepe item caloris in ventriculo sensus sequitur, tamquam vini adusti haustum sumsissem. Proximo autem universalis minorum dosium effectu urinae augetur secretio, qui effectus modo cum vertigine coniunctus est, modo non; saepe fluxus etiam alvi cietur in universum vertigine, taedio aut nausea

comite; dolores, qui adsunt, deliniantur; in nonnullis tabaco dormiendi cupiditas efficitur, somnusque augetur; in aliis item cupido dormiendi, cui adiunctus est caloris et inquietudinis sensus; nonnunquam dolores quoque colici, diarrhoea, vomitus, vehemens et universalis sudor, immo capitis dolores aut membrorum tremor animadveruntur. Ubi per maiores doses tabacum usurpatur, vomitus vehemens diarrhoeaque centur. Paulo post haustum remedium magnae sensus inquietudinis, anxietatis atque angustiae in pectore atque regione hypochondriaca evadit; respiratio profunda exsistit et abrupta, deinde magna vomitatio, vomitusque et diarrhoea consequitur, quo facto ingens lassitudo, nervorum relaxatio, debilitas et proprius membrorum, qui numquam deest, tremor nascuntur. Anxietatis cum inclinatione ad deliquium animi coniunctus sensus, quem levium quoque convulsionum saepe comitantur impetus, augetur aliquamdiu; simul pulsus fit parvus, debilis, partes exteriores, inferiores imprimis extremitates, organicum perdunt calorem, iisdem praecipue in membris convulsiones vehementiores oriuntur, quas mox deinde paralysis torporque harum partium excipit. Qui si apparent effectus, pupilla angustior fit, id quod externum etiam tabaci infusum ad oculum applicatum elicit, ut ego saepius in experimentis, quae institui, observavi. Neque memoratu indignum est, paralysi inferiores tantum fere semper extremitates affici; nervi sensorii illaesunt et motorii tantum infirmati.

Neque tamen simul sensus organa valde afficiuntur; animalia enim, in quibus institui experientia, alacrem semper neque tristem plerumque prae se tulerunt vul-

tum, rebusque externis commota eas evitare studuerunt, quamquam beneficij symptomata clarissima apparuere. Qui ubi paralysis status, quem continenter vomitatio saepeque etiam ipse vomitus comitantur, longius breviusve temporis spatium duravit, profundus sequitur continuusque somnus, qui ut desiit beneficij quoque symptomata paralysisque evanuerunt, neque nisi lassitudo quaedam defatigatioque totius corporis, quae et ipsae mox desinunt, animadvertuntur.

Quodsi doses etiam augmentur ad 3v — vi, symptomata superiora multo citius vehementiusque exsistunt atque post longius breviusve tempus universalis corporis tremore, quem paralysis extremitatum antecedere solet, et profunda operosaque respiratione sequitur mors.

Santeuil, vir celeberrimus, vomitu vehementibusque doloribus obiisse dicitur, quod vinum biberat cui tabacum immixtum fuerat. *)

Fautrel hominem mori se vidisse narrat, qui quantum cochlear capit, tantum succi hauserat nigri, qui oritur, cum fumum sugunt. **)

Quae antecedunt his demonstrari videntur experimentis.

I. Orfila enim cum ventriculo canis satis robusti 3v³ tabaci intulisset, ligatura oesophago circumdata, paucis minutis post vomere animal contendit, incessus lentior factus est, vertigo etiam et continuus inferiorum extremitatum tremor ortus, sensus organa vacua esse

*) Orfila toxicologie gén. II. 280.

**) Journal de chimie médicale de pharmacie, de toxicologie et revue des nouvelles scientifiques nationales et étrangères. Nro. VII. tom. IV. II. Série Juillet. p. 317.

visa, respiratio autem paulo concitator; post paucas horas animal in latus stratum, quoniam non amplius stare valebat, caput continenter tremuit, nuchae musculi levi convulsione commoti, membra languida; physiognomia stuporis speciem ostendit, respiratio profunda, laboriosa, concitata, cordis pulsus frequens, paulo fortior fuit et post IX horas, quam tabacum injectum erat, animal mortuum est.

II. Item $\text{\textgreek{zeta}}$ siccorum nicotianae foliorum una cum $\text{\textgreek{zeta}}$ aquae per horam cocta, fluidum collatum evaporatione ad quatuor et dimidiam unciam redactum est. Quo facto cum fluidum ventriculo canis bene nutriti, mediae magnitudinis, injectum esset, ligatura oesophago circumdata, post tres minutus animal vomitum esse visum, idque per primam horam saepius repetuit, deinde initio extremitates posteriores vehementer cuperunt tremere, id quod paulo post in omnibus membris animadversum est, quae deinde vicissim convulsionibus vehementioribus pressa sunt, et tribus horis post illatum fluidum animal obiit.

Facta utriusque animalis sectione, ventriculum levius narrat Orfila fuisse inflatum, pulmones lividis conspersos maculis telaque magis compacta, quam firma valetudine esse solent. *)

III. Evidenter cum pullae columbae quatuor grana extracti nicotianae ventriculo intulisset, atque ne vomitu extractum eiiceretur, ita cavissem, ut nostrum obligarem, quamquam columba per plures minutus insensibilis manere videbatur, tamen eam non bene ha-

*) Orfila toxicologie, II.

bere animadvertisi, quieta fuit saepiusque oculos clausit. Paulo postea vomituritio orta, brevibus intervallis repetita; deinde postquam praecipitavit columba, primum sinistri, tum dextri quoque pedis paralysis consecuta est, neque vomituritio desiit. Simul omnia membra tremere, animal valde fuit inquietum vicissimque avolare studuit. Organa sensus illaesa fuere. Postremo post horae quadrantem vomituritio desiit, animal defatigatum et lassum fuit, cordis pulsus frequentissimus, et post quinque horas columba levibus convulsionibus periit. Sectione instituta, gravius nihil repertum; extractum nicotianae adhuc maximam partem in gutture adsuit praecipue pysis adhaerens, quae columba pasta erat, in ventriculo et intestinis extracti vestigium non observatum.

§. 6.

Validissima perniciosissimaque, ut iam supra memoravimus, nicotiana est; ubi per clysmata usurpatur; quam quidem in formam redacta et plerumque adhibetur et si providus reique medicus peritus ea utitur, saluberrimum est remedium. Sive fumum, sive decoctum, sive infusum clysterizando adhibes, omnino veneficum paralysisque aequa appareat; infusi autem effectus vehementissimi sunt, statimque post applicitum clyisma animadvertisuntur; neque tamen negligendum est clysmatum tabaci effectus, quamvis eandem formam dosimque conserves, pro aetate, corporis constitutione, genere etc. esse diversos, consuetudinemque magni esse momenti; qui iam dudum fumum sugere consueverant et robusti homines, non tantopere afficiuntur clysmatibus, quam quorum corpus fluxum et debile,

qui-

quiue tabaco non adsuevere. Alius in alio tempore effectus animadvertisit, et quamquam in aliis parvae ipsae doses lethales sunt, in aliis multo maiorum levis tantum effectus. Quae in universum clysmata, si minores adhibeas doses, (i. e. si unius sive duarum drachmarum, quibus aq. ʒx infusae sunt, dimidiam partem corpori iniicias) phaenomena sequuntur, haec sere sunt:

Aegroti mox de anxietatis quodam per totum corpus divulgatae sensu queri incipiunt; dolores, quibus cruciantur, statim interdum amittuntur; simul desatigatione quadam obruuntur, vertiginem, vomititionem vomitumque etiam ipsum, leves imprimis in abdominis muscularis convulsiones, inclinationemque trahunt ad deliquium animi; respiratio difficilis est et profunda, pulsus rariores et sudores frigidi, quo facto aegroti profundum tranquillumque capiunt somnum, quo praeterlapso haec quoque symptomata evanuisse solent. Sin autem dosin auctiorem (dimidiam sive unam circiter unciam) aut minores doses supra dictas, iusto pluries brevioribusque intervallis adhibeas, aut ubi aegrotus talis est, ut facile doleat: tum quae supra memorata sunt phaenomena, multo apparent vehementiora. E vestigio interdum magnae convulsiones oriuntur, quas aut ad syncopen inclinatio aut ipsae comitantur eaeque continuae syncopae; simul yultus pallescit et collabitur, pulsus fit parvus, debilis, frequentissimus; cor palpitat violenter, respiratio difficillima est et profunda, et postremo spiritu profundo, breviori et abrupto et universalis membrorum tremore celeriter accedit mors.

Venesiorum hac re tabaco factorum exempla mul-

tis in libris et antiquis et recentibus reperiuntur et quotidie etiam facile eiusmodi res observes.

Astley Cooper hominem narrat, cuius ad herniam incarceratam infusi nicotianae clysmata, paratum ex ʒii adhibitum erat, cum post dimidiam horam hernia nondum recessisset, ad instituendam operationem in mensam esse prostratum; sed quia pulsus debilis vultusque collapsus fuisse et corpus multo sudore frigido copertum animadvertisserent, aegrotum in lectum reportatum esse, qua in re obiisset.*)

Item puellae, quae et ipsa hernia laborabat incarcerateda, infusum unius drachmae tabaci per clysterem cum esset immissum, vehementes in abdomen dolores et vomitus sunt consecuti, quo materiem eiecit, quae tabacum valde oluit, atque triginta quinque minutis post clysmatis applicationem mortua est, quae quidem mors tabaco verisimile effecta est.**))

Anonymus quidam in Actis Helveticis scriptor memoriae prodidit feminam, quae clysmata unius unciae accepisset, doloribus in abdomen, anxietate inclinationibusque ad syncopen affectam, paucis horis praeterlapsis morte occubuisse.***)

Ad Journ. chimie médicale femina clysmo, qui ex ʒi tabaci ad infusum paratum erat, quinque minutis intererpta est.****)

*) Astley Cooper Anatomie und chirurg. Behandlung der Leistenbrüche und der angeborenen Brüche. Aus d. Engl. Breslau 1809.

**) Ebendaselbst.

***) Acta Helvetica. 1762. V. 330.

****) Journal chimie médicale, Tom. 3. pages 23 et 592.

E narratione anonymi scriptoris in Med. and surg. journal homo, quem curabat, clysmate obiit post duas horas, quod ex 3ii foliorum tabaci quibus 3viii aquae infuserat, erat paratum.*)

Similia invenies in: Journal. Edinb. med. und surg. tom. 36. pag. 227. Hufeland's Journ. d. prakt. Heilkunde, L. XXI. IV. 100.; ibid. vol. 24. pag. 108. (1810.); ibidem vol. 45. fasc. IV. pag. 109. (1807.)

In Journal de chimie médicale de pharmacie, de toxicologie, et revue des nouvelles scientifiques nationales et étrangères. No. VII. tom. IV. Serie II. Juillet. Paris 1838. recens exponitur veneficium pluraque vetera adduntur.

Veneficium clysmo tabaci effectum, quod dimidio abhinc anno hic ibidem accidit iam prolixius exponatur.

J. St., puer robustus, XXI menses natus XV iam menses hernia inguinali laboraverat, quae ultimo tempore raro tantum prodierat semperque sponte et facile redierat. Praeterlapsi anni XXI die mensis Novembris hernia iterum magisque, quam antea prodiit, neque sponte recessit, et sequenti die omnia incarcerationis apparuere symptomata. Parentes autem, qui sperabant, fore ut morbus cura medica non adhibita sedaretur, XXIII. demum die Novembris, postquam incarcerationis tres fere dies duravit, auxilium ab hoc clinico medico petierunt. Puer iam tres dies exoneratione alvi non gavisus, paullum ederat, solito vero plus biberat saepiusque in calorem inciderat, vomueratque neque tamen faeces emiserat. Abdomen expansius repertum

*). Edinb. med. and surg. journal. IX. 159.

est, calorque eius moderatus, neque pressu externo animadversum est dolorem effici, et urinae secretio inturbata fuit. Herniae ipsius calor moderatus itemque ruber fuit, atque in universum incarceratio non acutior. Simul universa valetudo bene habuit, neque febris fuit gravior.

Frusta repositionis periculo facto, sex herniae admoti sunt hirudines pluresque saponis clysmos brevibus intervallis adhibere iussum est, quos, si exoneratio alvi non sequeretur, tum clysmata infusi foliorum nicotianae applicari, idque ita, ut uni drachmae foliorum tabaci octo unciae aquae infunderentur atque hoc infusum tribus dosibus iniiceretur. Mater, quae de clysmatis tabaci audierat, cum obstetricie, quae saponis clysmos applicuerat, quum hos exoneratio non statim sequeretur, se audiisse communicavit tabaci clysteres esse adhibendos, si saponis clysmata bonos non haberent eventus, medicum vero ipsum rei interfuturum esse. Sed obstetrix, ubi matri se saepius iam tabaci clysmata applicuisse confirmavit, neque medici hominis ad hanc rem opera esse opus, postquam tabacum parari iussit: mater, quae obstetriciis verbis maximo cum suo dolore fidem haberet tabaci, haud valde pretiosi, uncias fere unam et dimidiam afferandas curavit, unde cum funesta obstetrix adhibita aqua decoctum fecisset, clyisma huius fluidi iniectum est.

Clysmate vix applicato puer brachiis pedibusque vehementer contremere, profunde aliquoties respirare, contorquere oculos, vultus perfundi pallore atque duabus post clysmatis applicationem minutis his symptomatis morte occumbere. Sectio non est permissa.

Experimenta instituta in animalibus.

I. Brodie in complurium canium et felis intestinum rectum 31 — iv fortioris tabaci infusi inspersit. Quo facto animalia paralysi affecta, omnia nondum praeterlapsis decem minutis mortua sunt. Pulsus cordis una ante mortem minuta, non iam animadvertisse fuisse traduntur; unum modo animal vomuit. Sectione statim post mortem instituta, cor repertum valde extentum neque amplius se contraxit; semel tantum cordis auricula instrumentis irritata contrahi coepere, item circulatio aërem inspirando in pulmones dimidiā horam sustentari potuit.

II. Evidenter insusum e 31 foliorum nicotianae, quibus quatuor uncias aquae servidae infuseram, paravi; post quartam deinde horae partem in columbae intestinum rectum scrupulos duos inspersi. Animal, ubi consedit, scrupulus sere dimidius infusi una cum faecibus eiectus est. Columba ipitio inclinationem exonerationis alvi ostendit, tristissima, anxia et inquieta evasit, alas agitavit, oculos ad dimidiā partem clausit et post tres fere minutus vomere coepit. Sex minutis post iniectionem clyisma drepente sinistro pede porrecto collapsa, et mox inde utriusque pedis paralysi affecta est. Iacuit in alvo, ambo pedes porrecti et intenti, minorem quam ceterae corporis partes organici caloris gradum habuere. Vomititio simulque ad exonerandum alvum inclinatio duraverunt, neque tamen faeces emissae sunt. Oculi aperti, pupilla paulo angustior fuit, iam intervallis quinque fere minutarum universi corporis tremor ortus est, atque pennae imprimis in capite erectae sunt. Postquam animal hanc paralysin horae dodrantem tolera-

vit et alae etiam infirmatae sunt, aliquoties faeces eiecit fluidas, qua de re tabaci etiam infusum eiectum est, et mox inde vires reconciliavit. Paralysis transiit et columba breve tantum etiam tempus anxiam habuit tristemque faciem; sed certe obiisset, nisi corpus nocens esset remotum.

III. Aliud cum facerem periculum $\frac{3}{4}$ eiusdem, quam antea memoravi, formae usque ad $\frac{3}{4}$ decoxi et huius fluidi Θ -i in intestinum rectum columbae inspersi, sed anno ligaturam applicui. Paulo postea, ut in experimendo superiori vomitus, exonerationis alvi studium, extremitatum paralysis secuta sunt, simul respiratio difficultis et profunda, cordis pulsus frequens, pupilla paulo angustior exstitit, deinde universalis secutus membrorum tremor atque post duodecim horas, quamquam ani ligatura remota erat et columba aliquoties emiserat faeces, universalibus convulsionibus mortua est. Sectio, quam deinde institui, nihil praebuit cognitu dignum.

IV. Paravi ex $\frac{3}{4}$ foliorum tabaci et $\frac{3}{4}$ aquae seruidae infusum, cuius $\frac{3}{4}$ in pullae felis intestinum rectum intuli et nunc quoque ligatura usus sum. Post duas sere minutas in omnibus membris vehementer coepit tremere, pedibus stare non iam valuit, respiratio brevis et profunda, cordis pulsus frequentissimus et debilis factus est, et post sex minutas convulsionibus levibus animal mortuum est. Sectione facta nihil memoratu dignum inventum est.

CAPUT II.

De providentia, qua in adhibendo tabaco opus est.

Ex iis, quae hucusque exposita sunt, satis patet, nicotiana organismum humanum vehementer affici eamque, quacunque in forma et minoribus etiam dosibus vehementis veneni vires praebere, ideoque huius herbae in usu maxima opus esse cautione, si malos eventus impedire velis.

Internus remedii usus ceterum nondum valde divulgatus rarissime malos effectus ciet, quamquam semper dosibus pro rerum conditione minoribus initium facias oportet, easque sensim sensimque tantum adaugeas; saepe enim homines invenimus, qui nicotianam aut difficile aut omnino non tolerare possunt, et in quibus evestigio beneficij symptomata excitat. Infantes et caduci homines minus tabacum sustinent, quam adulti et robusti; atque Fowler se dicit raro hoc remedio in infantibus, qui quintum annum nondum explevissent esse usum, quia in his effectus non manifesto perspicetur, fortiusque infantes nicotiana afficerentur.* Semper in usurpanda interne nicotiana observandum est, ut remedium simulac aegroti de vertigine, anxietate, inquietudine, vomititione et ad diarrhoeam inclinacione doloribusque etiam colicis queri incipiunt, statim re-

*) F. Towler, von den Wirkungen des Tabaks, in den ausgerlesenen Abhandlungen. Bd. XI. St. 3. p. 399.

iiicas, neve priusquam haec symptomata transierint, ad nicotianam redeas. Praeterea doses ad has res instituendas esse, vix dicere opus est. Conf. §. 5.

Ubi tabacum externe adhibes, cavendum est, ne corrosionis laesisque cutis locis, ulceribus etc. applices. Hoc ubi fieri debet, caveas, ne remedium iusto longius insit ulceribus cet., quia hac ratione facilime vehementissimi et perquam periculosi eventus, ipsa etiam mors cieri possunt, nam exceptis clysmis, si remedium cuti externae applicas, effectus vehementissimus est. Conf. §. 4.

Tabacum, quoniam per clysmata applicitum validissimum est, atque hac ratione pleraque fiunt beneficia, medici est, ubi his clysmis utitur praecipuam prudentiam adhibere.

Iam necesse est:

I. medicum tabaci speciem, unde clyisma parandum est,

II. dosis modum,

III. formam in qua clyisma usurpari vult, clare indicare;

IV. ipsum clysmatis, si fieri potest, applicationi interesse, ut eius effectus observare atque ex iis, qua porro opus est, dirigere possit operam.

Quod primum locum attinet, optime ea tabaci species, quae in pharmacopoea nostra indicata est, usurpari videtur; solita enim nicotiana sugi et cui iuscum iam additum est, eius effectus vehementer varii sunt; modo nihil efficit, modo vehementia, quae nervorum morbum aut irritationem canalis intestinalis inflammatoriam significant, symptomata efficit.

Quantum ad dosin, maxima opus est providentia, et cavendum, ne iis, quae in multis leguntur compendiis, ubi ingentes a nobilissimis medicis tabaci copiae imperantur, exempli gratia a celeberrimo Richter, *) qui unciam unam cui unciae duodecim aquae infusae sint, adhiberi vult, incitemur, ut similia faciamus, nisi post funestissimos eventus perperam te egiisse intelligere velis. In universum statuendum est, neque tamen unquam haec dosis superanda est, infusi soliorum nicotianae e drachmis duobus et duodecim unciiis aquae, dimidiam partem per clysmata adhibitam, ubi adultum ceterumque sanum hominem, cuius complexio robusta est, curas, dosin esse idoneam; sin autem infantibus, aut debilibus mederis hominibus dosin minorem esse necesse est; hic potest infusi ex una drachma soliorum nicotianae et unciiis decem aquae, dimidia pars per clysmata adhiberi. Hac ratione clysmata tabaci in nostro nosocomio medico ex multis annis optimo cum eventu adhibentur, neque celeberrimi medici de hoc usu aliter sentiunt.

Percivall Pott infusum ad clysmā adhibendum e pinta servidae aquae et drachma una tabaci parandum curavit. **)

Astley Cooper clysmata infusi nicotianae ita parari iussit, ut uni drachmae tabaci duodecim unciae aquae servidae infunderentur, quo quidem infuso decem minutis postea usus est. At, inquit, cum validi huius remedii effectus pro aegrotorum constitutione sit aliud atque tabaci etiam natura forsitan alicuius sit momenti,

*) Anfangsgründe der Wundarzneykunst. Bd. 5. S. 264.

**) Percivall Pott's chirurgische Beobachtungen, aus dem Engl. übersetzt. Berlin 1776. S. 104.

initio oportet dimidia tantum pars iniiceatur dimidiariaque post horam alteram, si alteram dosin eventus, qui satisfaciat, non consecutus est. Ii, qui ex aliis audierunt duaram drachmarum infusum, recte una quidem injectione aegroto inferri, quam supra dixi, cautionem superfluam habeant; sed ego pro meis observationibus confidenter possum affirmare, e precipite fortioris infusi usū effectus posse proficisci, quorum medicum vehementer poenitiat.*)

In universum haec providentia iusto videtur maior, si effectus respicias, qui tale infusum et in animalibus et in hominibus quoque robustis ceterumque sanis sequuntur. Sine dubio mali eventus non sunt pertimescendi, dummodo universam aegroti conditionem bene examines atque cures, si infusi formam supra praescriptam adhibes.

De clysmatis forma in universum differentiam fortasse non statuas; sed si fumum adhibes, effectus leniores sunt, usus proprium requirit apparatus, praeterea dosis numquam accurate definire potest ab aegroto accepta, quocirca melius est infusum adhibere, cuius praeterea fortior est certiorque effectus atque usus nunc quidem universus. Lassitudinis, sudoris frigidi, ad synopen inclinationis symptomata, adhibito infuso multo facilius apparent, quam ubi fumo uteris, neve unquam haec symptomata ominosa ducas, contra salutaria sunt haec phaenomena, dumne necessariam cautelam negli-

*) Astley Cooper, Anatomie und chirurg. Behandlung der Leistenbrüche und der angeborenen Brüche, aus d. Engl. Breslau 1809.

gas, neve ad aliam transeas remedii dosin, priusquam illa symptomata praeterlapsa sint.

Quae si omnia in adhibendo tabaco semper observas, nisi fausti e remedio eventus non proficiscentur.

CAPUT III.

D e t a b a c i u s u .

Exceptis clysmatibus, quamquam nicotiana non levibus habet effectus, atque a claris tentata est medicis, neque sine fructu, usus tamen huius herbae nondum est valde divulgatus.

Fowler, *) qui plurima accuratissimaque tabaco instituit experimenta, hoc remedium, quamquam universalius commendat ad hydropem, nisi torpidus atonicusque huius morbi est character aptum non est, atque vehementer caveas, ne hoc remedium in iis hominibus adhubeas, qui propter organicum cordis vitium hydrope laborant, nam cum in hoc morbo cordis nervorum vires iam sint oppressae, hoc remedium infaustissimi eventus consequi possunt. Ceterum Fowler in XXI hydropicis morbum tabaco expellere studuit, et tantum remedium irritum fuit.

Fowler, cum suum infusum adhiberet, a minoribus sensim ad maiores doses transiebat, interea etiam extractum gr. i — ii p. d. adhiberi potest. In dysuria

*) Fowler, medical reports of the effects of tabaco. Lond. 1785.

quoque pluries suo infuso optimo cum fructu usus est.
 „Ut universe, inquit, loquar, infusum tabaci in dysuria validum appareat sedansque dolorem et urinam pellens remedium, quod vias uriniferas amplificat et in dysuria, grisea aut lapidea materie effecta, eius abitum expedit.“

In diversis colicae casibus unam unciam sui infusi per clyisma adhibendam commendat, si adultum solita corporis constitutione curas. Ad eundem auctorem clysmis propter dolorem deliniens eorum taediumque excitans ac relaxans ingenium vasorum systema et propter vires irritantes intestinum quoque rectum bene afficitur, unde celerem levationem electionemque faecium efficiunt. Praeterea tabacum commendat in exanthematicis scorbuticis, affectionibus catarrhalibus, in asthmate, ubi Robertus quoque Page hoc remedium cum fructu adhibitum commendat.*)

Pertinax tympanitis intestinalis, quae per integros duos annos omnibus medicaminibus restiterat, tabaci clysmatis, quae paulo supra dictis in colica usurpatissimis fortiores erant, omnium cum admiratione levata est.

John Vetch**) tabacum commendat in diversis inflammationibus rheumaticis et arthriticis, quibus membranae synoviales affectae sunt, atque confirmat hoc remedio non solum deliniri dolorem inflammationemque levare, sed ita etiam membra aegrota vehementer adiuvare, ut tonus iis viresque reddantur.

In nervorum morbis digna videtur nicotiana quae

*) Robertus Page, über den Nutzen des Tabaks in einigen Fällen, wo er gewöhnlich nicht angewendet wird, in den auserlesenen Abhandlungen. Bd. 7. St. 1. S. 223.

**) Medico-chirurgic. transactions. Vol. XVI. P. II. S. 356.

saepius usurpetur, quam adhuc factum est; neminem enim tabaco nervorum intentionem minui effugere potest.

In neuralgiis capitis, affectionibus hystericis Fowler tabacum cum fructu adhibuit. In tussi convulsiva, cum extractum tertia quaque hora (grana duo) usurparentur, optimum apparuit remedium.

Courrie *) nicotiana ad chronicam vesaniam usus est, passimque etiam tabacum contra epilepsiam usurpatum est. Courrie epilepticos ita a se sanatos esse dicit, ut nicotianae foliorum cataplasma regioni eorum hypochondriacae applicaret, qua in re clysmata quoque tabaci non erant irrita.

In tetano morbo, qui hucusque omnibus remedii pertinacissime restitit, quo in morbo imprimis Anderson tabacum commendat, accuratori dignum videtur animadversione. **) Anderson cum primum huius remedii ficeret tentamen ad trismum traumaticum seruae aethiopis, forte recentium nicotianae foliorum decoctum adhibuit, quo dimidia quaque hora malas collumque et pectus fomentanda curavit, deinde cataplasmata foliorum nicotianae in maxilla inferiori colloque imponi iussit. Balnea calida, quibus tabaci quantum satis illatum erat, tertia quaque hora repetita atque duo

*) Praktische Bemerkungen über Geisteszerrüttung, v. Joseph Mason Cox. Aus dem Englischen von Reil. Halle 1811.

**) Ueber den Gebrauch des Tabaks im Tetanus, v. Thomas Anderson; übersetzt aus d. Engl. in den auserlesenen Abhandlungen. Bd. 8. St. 3. p. 462. u. Ed. 10. St. 1. p. 141.

clysmata eiusdem iusculi intra XXIV horas applicita sunt. Praeterea alvus oleo ricini aperta est, neque sumisugium aegrotae antea erectum quam vellet. Hac medendi ratione soliti tabaci eventus apparuere, quamquam non tanti, quanti in hominibus, qui firma valetudine gaudent. Desatigatio, lassitudo, universali perspiratione indicata, quae antea localis fuerat, primum est effecta. Aegrota hocce modo sanata est. In alia femina aethiope, quae in tetanum vulneratione inciderebat, calidam foliorum nicotianae fomentationem vulneri applicuit, laxans e ialapa et hydrargyro muriatico miti adhiberi atque e forti decocto foliorum nicotianae recens decerptorum balnea parari iussit, quibus aegrota aliquoties per diem uteretur. Aethiops in quoque balneo retenta est, dum taedii sensus vehemensque universalis transpiratio excitaretur; haec medendi ratio usque ad sanitatis redditum continuata est.

Praeterea duos memorat casus, ubi vicissim simile ratione balnea e tabaco parata et clysmata decocti foliorum nicotianae fomentationesque pectori etc. applicatas cum fructu usurpavit.

Anderson se animadvertisse contendit, post magis continuum hunc tabaci usum vehemens valdeque pruriens in capite et collo exanthema existere, quod quidem faustum habet indicium.

Haec vero res ex Andersonii observatione in balnearum clysmatumque e quoconque tabaci specie paratorum usu notatu dignissima est, collapsum nimiriū hominis tetanici difficillime effici, qui quidem effectus facillime celerrimeque in sanis hominibus excitatur. Quocirca ubi ad tetanum tabaco uteris specifica remedii

quantitas negligenda est atque solus in usu effectus respiendi. Ex Andersonii sententia in universum haec sequenda est lex, ut IV libr. herbae siccae unam horam in octo gallonibus aquae coquantur atque haec in balneam tepidum infundantur. — Praeter hos morbos tabacum in aliis etiam multis morbis partim adhibitum, partim commendatum est, quibus brevitatis causa omissis ad usum primarium, ad usum nimirum tabaci clysmatum in herniis incarceratis transimus. Ut plerumque atque in universum fere ineptissimum est ad hernias incarceratas laxantia atque drastica etiam fortiora usurpare, sic contra curatione ceterum iusta atque idonea e clysmatis optimi fructus percipi possunt, atque in hac morborum specie tabaci clysteres multo magis, quam adhuc factum est adhibendi esse videntur. Rarissime remediumt emporie opportuno iustaque ratione adhibitum frustrabitur, immo saepe chirurgum cultro operationem perpetraturi voluptate chirurgica privat atque multo lenius id praestat, quod chirurgi culter, cuius manus maxima habilitate excellunt, praestare non potest.* Quamvis ab hoc quoque passim remedio destituamur, hoc Aesculapii mysteriis initiatus parum admirabitur, cum idem in aliis renediis, quorum contra certos morbos efficacia ab omnibus agnita est, quotidie animadvertiscamur.

Remedii effectus, si adhibetur in formam redactum cap. II. significatam, cognoscitur debilitate, quam ciet; oriuntur sudores frigidi, pulsus debilis fit et frequens, vertigo, vehemens vomitus, muscularum abdominis convulsiones, syncopes etiam impetus existunt; deni-

*) Percivall Pott's chirurgische Beobachtungen.

que tantam membrorum efficit desatigationem, ut aegrotus musculum; qui voluntati obnoxius est, non valeat commovere. Tali exorto universali collapsu hernia plerumque aut sponte aut levi pressu in abdomen reiicitur, quamvis antea multo maiorem vim superaverit.

Saepe plures tales clysmi applicentur oportet, priusquam eventus appareat; immo Percivall Pott 3i tabaci a se esse consumptum narrat, priusquam quod voluit efficeretur atque nonnisi applicata uncia altera solita symptomata apparuere; aegroti de motu in abdome herniaque queri coepere atque tunc brevi fere tempore hernia rediit. Qua de re exoptatus eventus desperandus non est, si non effectus remedii e vestigio appetet. Certe si doses iusta adhibita cautela repetantur, effectum non desiderabis. Plura exempla, ubi difficillimae diversissimaeque incarcerationes tabaco sublatae sunt, exposuit Percivall Pott.

V I T A.

Ego Carolus Bernhardus Draeger, confessioni catholicae addictus, anno MDCCXIV. die XIII. Maii, patre Ioanne, matre Elisabetha Dorothaea genite Degenhardt, quos parentes dilectissimos iam defunctos vehementer lugeo, Steinbachii pago Eichsfeldiae natus sum. In gymnasio Heiligenstadiensi, quod Directore Cl. Rink floret, primis litteris per septem annos imbutus, litterarum universitatem Halensem adii et in eivum academicorum numerum anni MDCCXXXIV. die XI. Novembris t. t. Rectore magnifico Cel. Germar, Decano spectatissimo, Cel. Krukenberg; receptor sum.

Per quadriennium hisce paelectionibus interfui; Cel. Gerlach de logice, de psychologia; Cel. Schweiger de physice, de chemia; Beat. Nitzsch de zoologia, de helminthologia; Cel. Germar de mineralogia; Cel. de Schlechtendal de botanice; Cel. d'Alton de anatomia, arte cadavera rite dissecandi, ac physiologia; Cel. Friedlaender de materia medica; Cel. Krukenberg de pathologia atque therapia tam generali quam speciali; Cel. Niemeyer de arte obstetricia; Cel. Blasius de chirurgia generali atque speciali, de fracturis atque luxationibus, de ophthalmologia et de arte fascias applicandi.

Scholas clinicas, medicam directore Cel. Krukenberg, per biennium, chirurgico-ophthalmicam directore Cel. Blasius, per tria semestria, et obstetriciam directore Cel. Niemeyer per semestre frequentavi.

Quibus omnibus de me maxime meritis viris habeo atque semper maximas gratias habebo.

T H E S E S.

I.

Omnis nicotianae tabaci partes sunt venenosae.

II.

Hernia incarcerata remedia purgantia vetat.

III.

Blennorrhoea nil nisi exitus inflammationis.

IV.

Scrophulosis nulla dyscrasia saepius invenitur.

V.

Tunica oculi coniunctiva certe ad membranas referenda pituitosas.

Accession no.

9339

Author

Draeger, C.B.

De vi etque usu
nicotianae tabaci.

Call no.

-19th cent.

RC 567

838D

